


Il viadi privlus da Tigrin

Nov cudesch d'uffants

■ (Ir) La Lia Rumantscha preschenta ses pli nov cudesch «Il viadi privlus da Tigrin». En questa istorgia raquinta l'autura Heike Wiechmann d'in giattin che tschertga in bun dachasa. Il cudesch sa drizza ad uffants dal stgalim bass ed è cumpari en sursilvan, valler e rumantsch grischun. Tigrin è ventiraivel! Finalmain ha el chattà in dachasa. Ma il giattin s'accorscha svelto: sia nova patruna na chapescha nagin spass cura ch'el fa lumparias u tschiffa mieurs. En questa chasa na vul Tigrin betg star pli ditg! El profita da l'emprima chaschun per scappar. Ma la vita sin via è dira. Nua duai Tigrin durmir, tge duai el magliar? E co sa defenda in giat cunter gronds chauns nairs? Per Tigrin cumenza in viadi aventurus...

L'autura Heike Wiechmann raquinta en sia istorgia d'amicizias d'animals e co ch'il giattin Tigrin chatta finalmain in



bun dachasa. Forsa sa l'istorgia era sensibilisar per mussar tge ponderaziuns ch'ins stuess far avant che sa decider per in animal.

Il cudesch po vegnir cumprà per il pretsch da 13 francs tar la Lia Rumantscha (telefon 081 258 32 22, www.liarumantscha.ch) u tar tut las librerias che vendan cudeschs rumantschs.

Autura: Heike Wiechmann

Illustraziuns: da l'autura

Cudesch illustrà, en color, 60 paginas A5

Il frontispizi da

«Il viadi privlus da Tigrin». MAD